



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 63. Christianus Guilielmus Marchio Brandenburgicus ad fidem Catholicam
reversus.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. A. C. 1632. perpetuo a publicis excludatur officiis. Hi vero, qui miseros de ponte dejectos interfecerunt, in custodiam redacti pro culpæ merito severe plectantur; qui vero convitia & calumnias in eos sparserunt, publice palinodiam canant, damna vero ex proscriptorum bonis compensentur, ac tandem mutua sit præteritorum oblivio. Has leges Solothurnii prompto animo acceptarunt. Calvinistæ vero reclamabant, his Catholicorum pœnis effuso Calvinistarum sanguini nondum satis parentatum ratum tanto igitur cruoris aviditati cedens compulsi Solothurnii, quosdam ex reis mortis supplicio affecerunt, ut tandem Bernatum vindictam cruentis illorum victimis placarent.

§. LXIII.

Christianus Guilielmus Marchio Brandenburgicus ad fidem Catholicam reversus.

Brachel.

Hist. l. 4.

Adl. An-

nal. Boic.

part. 3. l. 17.

Kraus exem-

pla convers.

cap. 13.

Eo tempore, quo Gustavus Suecicus Rex Lutheranam sectam tuendi obtentu usus, Germaniam invaserat, Christianus Guilielmus Marchio Brandenburgicus Magdeburgensis Administrator eandem sectam, cujus beneficio Halensem Episcopatum usurpaverat, hoc anno die trigesima prima Maji abomina-

tus est: Jam enim Principum nonnulli Sæc. XVII.
A. C. 1632.
sectarias novitates nauseare cæperant,

quos inter Joannes Ludovicus Nassovius Princeps, & Rupertus ante triennium Viennæ, Eduardus ejusdem frater, ac Friderici V. Palatini Comitis filius in Galliis, necnon Franciscus Carolus Henrici Saxen-Lauenburgici Ducis Frater anno priore ejuratis erroribus ad sinum Ecclesiæ Apostolico-Romanæ reversi fuerant. Hoc ergo anno pariter clementissimum Numen Christianum Brandenburgicum olim accerrimum Lutheranae sectæ Pugilem pari felicitate beabat; cum enim in Magdeburgensi expugnatione a Tillio captus Neostadium prope Viennam abduceretur, in eodem secessu crebro a Religiosis salutabatur, ac cum illis non raro de fidei capitibus sermones conferebat, tandem vero agnito errore humana Lutheri somnia detestatus, Catholicam Religionem sincero animo complectebatur, in Sacello aulico solemnè pompa Catholicam fidem publice professus. Ne vero Religionis mutationem obtinendæ liberationis studio fecisse videretur, etiam postquam libertati redditus erat, potius in Catholicis Cæsaris conditionibus remanere, quam ad suos reverti maluit. Ea res vehementer usit reliquos Protestantes, ac præcipue
Gusta-

Sæc. XVII. A. C. 1632. Gustavum Regem, qui verbis ac literis suam indignationem patefecerat, aut magnanimus Marchio potius Dei honorem, animæque suæ salutem, quam unius Regis favorem respexit. Edidit hic Princeps præclarum sopesua conversione librum, cui titulum præfixit: *Speculum Brandenburgicum.*

§. LXIV.

Principum, ac Belliducum obitus.

Lotich. l. 45. cap. 1. Sobieski comm. Chotinenf. Piaficc. in chron. Bell. Laur. Aust. Ineunte hoc anno Sigismundus III. Polonorum Rex in tam gravem incidit morbum, ut Regni Proceres de eligendo Successore Warfoviæ deliberarent, Catholicis ac præcipue Ecclesiasticis Religione Catholicum, Protestantibus vero suæ sectæ addictum proponerent. Harum simultatum beneficio usus Gustavus Sueciæ Rex, per Jacobum Ruffelium Legatum suum regium hoc diadema sibi asserere adlaborabat, inscius Poloniæ legis, vi cuius ille, qui Rege adhuc vita supersit coronam prensaret, tanquam patriæ proditor damnaretur: quocirca Sueniæ petitio a Proceribus omnino rejecta est. Tandem Sigismundus Rex cunctis morientium Sacramentis pie munitus die trigesima Aprilis humanis, quibus totius Regiminis sui tempore acriter jactabatur,